

利津縣志卷第十

雜志

雜志者志緒餘也雜之名始見於易雜卦禮上下雜記二篇洎乎後代以雜名書者則有雜事雜記雜略雜說之類郡邑乘之有雜稽良有自矣蓋事之可稽者紛揉錯出欲一二詳之而無可附麗削之則文不備登之則例不協以之列諸雜志宜也卽摻奇綴瑣或亦識者所弗病歟

祥異

元

泰定元年八月霖雨害稼

明

正德六年流賊劉七等寇城不克而還

利津縣志

雜志

卷十

宏治四年大饑

嘉靖三年七月飛蝗傷稼

八年彗星見

十年十一月夜天星散落如雪其光燭地

十四年蝗傷稼歲大饑

二十七年八月十一日地震

三十年麥秀兩歧穀有雙穗

三十一年五月大清河溢壞城郭民居

三十二年七月十八日大清河溢大傷禾稼歲祲

三十六年八月大風雨偃禾拔木秋稼不登歲大饑餓殍相望

隆慶三年七月霖雨河水溢城不浸者數版

四年民某一產三男

萬曆十九年子花蟲徧野知縣李茂春虔禱於八蜡廟未幾被鴉啄盡不爲害

二十一年蝗飛蔽天

二十五年正月初六日大風七月旱

二十六年五月雹傷麥七月潦務本鄉爲甚

二十七年二月初二日大風黃沙蔽日商賈罷市秋七月霪雨害稼務本鄉尤甚

四十三年大饑人相食

崇正十三年大饑人相食蝗傷麥

十五年城陷死者三千餘人

十六年正月二日日赤無光歷四旬有餘又有兩日相盪

國朝

利津縣志

雜志

二

卷十

順治元年牛生犢二頭一身二尾

七年黃河水決溢至大清河淹沒田舍爲害六年

康熙三年大旱

七年三月二十九日大風海溢數十里人畜多傷六月十七日地震房屋多圯

震房屋多圯

十年六月十九日大風雨木盡拔

十八年大饑

四十三年大水歲大饑人相食

四十四年五月十八日大風拔木

四十九年大稔

雍正元年四月初七日大風晝晦

七年大稔

八年大水傷禾稼壞民舍

十三年河水一日三潮

乾隆二年民家犬生子一頭二尾七足

四年七月河水溢

十一年三月大風晝晦

十二年河水溢

十六年河水溢

十八年秋八月海水溢數十里漂沒民屋鹵壞民田

二十二年縣民宋世烈妻張氏一產三男

詔賜米五石布十疋共折銀五兩

十八年海水溢

二十年水潮為災

利津縣志

雜志

三

卷十

二十四年水潮為災

三十年霽雨成災

三十一年河水成災

三十三年秋八月海水泛溢溺死百餘人

嘉慶八年探馬哨決口黃水漫溢成災

二十三年水潮為災

二十四年河水泛溢

道光九年夏地震

十年春二月地微震

十一年夏六月雹傷禾

十五年旱蝗歲大饑 縣民馬恭妻宋氏一產三男

二十五年春海潮為災

咸豐五年黃河北徙入大清河由鐵門關入海是年以後河水泛溢無歲不有筆不勝書已詳大清河圖後互見可也

六年旱蝗

九年夏月華

十年春二月大風晝晦

十一年春怪風挾雲自西北起晦如夜 秋七月孛星經天 捻

匪擾邑南界闔邑戒嚴

同治元年六月大疫 秋七月十五日夜流星如織

六年捻匪擾邑東境數月始靖

七年捻匪擾邑西境防禦被難者百餘人

光緒元年大旱

三年春夏不雨歲大饑

利津縣志 雜志

四

卷十

四年春大風土盡起禾稼不登

六年有年

七年夏六月孛星入紫微垣 冬十有二月望月重暈白氣貫日

八年春正月朔日重暈 秋八月孛星見於東方 太白晝見

封建

明嘉靖三十八年封胡鏞為利津王按胡鏞英宗五世孫德恭王

子傳常瀟後無攷

塚墓

元瑯琊郡公王昇墓在城西南二十里有碑記

濱州鹽副使楊鑒墓在城南三里有碑記

馮伯寬墓在城南三里

明布政使李益墓在城北五里

御史李培墓在城北安家莊後

國朝御史李植墓在城南半里有碑

李神仙墓在城北十五里夾河馬家莊有碑

御史紀之健墓在城西一里有碑

直隸宣化府知府張志奇墓在孟家莊東南今遷於莊西北有碑
雲南布政使岳鎮南墓在城北北嶺莊東南有碑

江蘇鎮江府知府高容聲墓在城西北里許

翰林院檢討綦澧墓在綦家夾河西南

山西巡撫趙長齡墓在西關迤北一里

浙江紹興府知府高貢齡墓在城北梁家莊

福建汀州府知府李佐賢墓在城西南五里紀家廟莊北

江蘇常州府知府張銓墓在左家莊南

利津縣志

雜志

五

卷十

烈婦高氏墓在城西半里許有武德道碑記

錄許忠節公軼事一則

利津邑乘正德年間劉七等寇城不克去而城何以不克則未之
及余至棣州見鬻舍旁有忠節許公祠廟貌煥然神像如生瞻拜
之下不禁有忠義之感因而摩抄古碑知忠節公功烈不獨在武
定而樂陵最著利津尤不可沒其令樂陵也平時浚濠增陣繕兵
積粟時劉齊二寇猖獗無忌賊至樂陵公親操矢石突城出戰每
戰必勝斬獲不下數百人於是賊相戒不敢犯迨賊去樂陵又率
劉七等全師攻利津公引兵追擊直追至高苑斬獲甚衆居民賴
以無恙樂陵武定皆建祠功績詳府乘而津志闕焉爰補錄之公
諱達字汝登河南固始人正德年間進士授山東樂陵令擢武定
兵備道後死於宸濠之難贈左副都御史諡曰忠節邑人李嘉言

述

記聞一則

舊志廬陵趙應祥不知何時人性至孝其父行賈不還欲往尋之
會有從父自北來言父死已久而不知其處應祥日夜悲號遂辭
母往求父骨誓必得骨乃還聞都下某翁與父厚卽走數十里諮
焉知父死濱州利津道又徒跣奔至得朱琪張文者言若父所葬
棺具有題歲久榛莽翳墓纍纍不可辨應祥復往哭七日求不
得卽解髮繫馬鞍祝曰隨馬所之過吾父墳者當髮解鞍墮已而
果應發之棺上具書父姓名遂獲父骨歸

耆壽

呂尚健字乾如諸生慎言敏行力學而嗇於遇乾隆元年紳士以
齒德聞授八品冠帶有庭訓條約藏於家壽九十四終

利津縣志

雜志

六

卷十

紀恩詩字歌起諸生以孝聞與從叔析產以祖產讓之鍵戶讀書
壽至八十餘猶日親研墨云卒年未詳

劉氏一門耆壽人多述之劉奇偉字振聲優增生鄉飲介賓教子
登賢書邑人士多被其教澤壽八十一卒子遇春字叔來見列傳
壽九十三弟連春字瀛來大學生事父兄謹敬信睦嫺遇春子蓄
字萬倉鄉飲衆賓壽八十四歲事繼母以孝稱監修廟宇諸工不
辭勞勩生平一字不入公門連春子葵字含玉壽八十歲忠信樸
愿勤儉于家又茵字秀庭遇春之姪壽八十五以和順族鄰稱遇
春從姪登雲字月步增生壽八十九步雲字荷衢庠生壽八十二
人龍字聃亭庠生壽八十九性孝友詩禮傳後嗣瑞雲字紉亭太
學生鄉飲介賓壽八十崑字劍峯例授登仕郎壽八十五登雲從
姪時敏字遜志庠生壽八十人龍長子方舟字湘浦鄉飲耆賓壽

八十一次子維舟字廕侯太學生樸屬儉勤葺書院築壩工能任勞苦壽八十三

劉爲憲庠生壽八十一弟洪憲壽八十四遵憲壽八十五子夢齡壽九十二

張中林壽八十四五世同堂嘉慶元年

恩賜扁曰

熙朝人瑞子成業壽八十五孫慎修壽八十一曾孫振興壽八十二

綦嘉祿壽百有十歲迭被

國恩道光二十九年

欽賜黃綾一端

崔安字樂然性渾厚勤於家人服其德子孫五十餘人悉遵其教五世同堂壽九十三終邑令孫給以扁曰年高德邵

利津縣志

雜志

七

卷十

趙世榮字仁菴太學生持重老成爲鄉之長者壽八十五子蕃字晉錫邑學生天性孝友齒德爲衆所推壽八十八

吳錫伯字夢麟鄉飲大賓壽百有二歲子登甲字清遠事親老而彌篤壽九十三歲

王文佳佾生壽一百三歲 韓傑士壽一百四歲 陳葵芳壽九

十二歲 王法壽九十歲 呂擢庠生壽九十三歲 李擢魁壽

九十三歲 林中檀壽九十三歲五世同堂 王同承壽九十五

歲 張印生壽九十四歲 張浚壽九十四歲 陳浚壽九十四

歲 陳誥壽九十二歲 伍士義壽九十一歲 劉武榮壽八十

七歲 王沂壽八十六歲 趙方溥庠生壽八十三歲 劉兆旗

壽八十八歲 王君禮壽九十歲 吳光敏壽八十八歲 劉學

師壽九十歲

崔守義字宜齋九品壽官能以醫術濟人壽八十四 黃之泮字
殿宮鄉飲耆賓孝能娛親有行檢治家以嚴壽八十四 宋光叟
弟光曉篤友于鄉人慕之光叟壽八十六光曉壽八十八 吳德
源字厚田讀書不希進取行有古風壽八十二 王成字美公以
力學訓子孫後昆繁盛壽八十八 韓可謙字搗吉八品職銜有
德望工書壽九十三 崔傑字良輔候選從九品周急濟危精岐
黃地理求之輒應輯有痘疹救劫經驗良方諸書壽八十五 劉
觀瀾字鏡塘歲貢生德行可稱設教一鄉樂成後進壽八十三
韓可溫字玉如家修無忝壽八十六 趙文漢字傑三鄉飲耆賓
行誼重於鄉閭壽八十五 宋桐字朝陽以孝友稱壽八十二
宮景陶九品壽官壽九十一 王泰字清平八品職銜壽九十五
張世傳字紹卿鄉飲耆賓壽八十三 王和章字貴一鄉飲耆

利津縣志

雜志

八

卷十

賓壽八十五 張彩鳳字文樓九品職銜壽八十七韓世爵字祿
之壽八十弟世登字庸之壽八十六 隆殿閣字燃黎鄉飲耆賓
壽八十四 紀聯珏庠生壽八十二 李銓字裕三鄉飲耆賓壽
八十四 李錄字書賢太學生壽八十三 李連奎字映斗庠生
壽八十五 劉寅字亮功歲貢生壽八十六 蓋廷芳六品職銜
壽八十三五世同堂 崔植槐字降三壽八十一

國朝人瑞

岳均字平遠監生布政司經歷幼喪父母事會祖母祖母以孝凡
屬義舉皆樂輸貲生子四孫十二曾孫二十三元孫六五世同堂
親見八代

恩賜八葉衍祥扁額並賜帑金緞疋妻紀氏八十二歲夫婦偕終

紀渤七世同堂

恩賜七葉衍祥扁額其行事詳義行列傳

藝術

劉寶邑東林子莊人少習技擊之術日臻精妙時天下猶未平人樂爲盜寶以其驍勇捍衛一鄉羣盜不敢侵其里然雖負絕技殊不輕言子輩請傳其秘不可第教之爲耕讀民蓋猶有儒風者志曰漢書五行志專詳休咎之徵陸靈壽志災祥別爲一門謹天戒重民瘼也今紀災不紀祥而有年大有年亦書以嚴春秋之例此外名賢邱壟暨邑之大小軼事鄉之耄耄皆識之歸餘之義也若夫補其不逮以擴聞見助叢談願以俟君子焉